

# Ang Tinuod ug Buhi nga Simbahan

Si Elder David A. Bednar sa Korum sa Napulog Duha ka Apostoles mitudlo:



Ang Ginoo mipahayag nga ang Ang Simbahan ni Jesukristo sa mga Santos sa Ulahing mga Adlaw mao lamang “ang matuod ug buhi nga simbahan diha sa ibabaw sa tibuok yuta” (D&P 1:30). Kini nga gipahiuli nga Simbahan tinuod tungod kay Simbahan man kini sa Manluluwas; Siya ang “dalan, ang kamatuoran, ug ang kinabuhi” (Juan 14:6). Ug buhi kini nga simbahan tungod sa mga buhat ug mga gasa sa Espiritu Santo. (David A. Bednar, “Dawata ang Espiritu Santo,” *Liahona*, Nob. 2010, 97)

Si Presidente Dallin H. Oaks sa Unang Kapangulohan mitudlo:



Tulo ka feature—(1) kahingpitan sa doktrina, (2) gahom sa pagkapari, ug (3) pagpamatuod ni Jesukristo—mopasabot ngano ang Dios mideklarar . . . nga kini lamang ang tinuod ug buhi nga Simbahan sa ibabaw sa tibuok yuta. . . .

Ang gipahiuli nga ebanghelyo ni Jesukristo masabtan, alang sa tanan, may gahom, ug tinuod. . . .

[Sa] pagbaton sa gahom sa pagkapari, ang mga lider ug ang tinutugotan nga mga miyembro sa Ang Simbahan ni Jesukristo sa mga Santos sa Ulahing mga Adlaw gihatagan og gahom sa pagbuhat sa gikinahanglang mga ordinansa sa pagkapari, sama sa bunyag, ang gasa sa Espiritu Santo, ug ang pagpahigayon sa sakramento.

Ang mga yawe sa priesthood, nga gihuptan sa atong pinalanggang propeta . . . ug sa tanang ubang mga propeta ug Presidente sa Simbahan, naghatag kaniya og katungod sa pagpadayag alang sa tibuok Simbahan. Kini nga Simbahan “buih” tungod kay kita adunay mga propeta kinsa nagpadayon sa paghatag kanato og pulong sa Ginoo nga gikinahanglan sa atong panahon.

Ang ikatulo nga rason nganong kita lamang ang tinuod nga Simbahan mao nga anaa kanato ang gipadayag nga kamatuoran kabahin sa kinaiya sa Dios ug sa atong relasyon kaniya, ug busa kita adunay talagsaon nga pagpamatuod ni Jesukristo. (Dallin H. Oaks, “Mao Lamang Ang Tinuod ug Buhi nga Simbahan,” *Liahona*, Ago. 2011, 49–51)